

պահուած ur-me-ni անունն եւս վերաբերում է այն ժամանակները տակաւին Կապադովկիայում ապրող հայերին: Այդ դէպքում մարացիք Arm-ini անունը խալդերից առած պիտի լինին, նրանցից էլ՝ պարսիկները եւ փոքրասիական յոյները:

Այս մեկնաբանութեամբ, շարունակում է Մ., լոյս է տրուում նաեւ Հայաստանի հնագոյն մայրաքաղաք Արամիք, ինչպէս նաեւ հայ նահապետ Արամ անունների վրայ:

Այս տեսակէտը հիմնաւորւում է նաեւ Մովսէս Սորենացու մէջ (Ա. 14) պահուած մի առասպելով, ուր յիշատակուած է Արամը, եւ որը (առասպելը) մի ուրիշ վարկածն է այն առասպելի, որ առջ է բերուած Հոմերոսի վերոյիշեալ հատուածի մէջ եւ ուր յիշատակուած է arim ցեղը:

Բարելոնեան արձանագրութիւնների մէջ Հայաստանի համար գործածական է Ուրաշտու անունը, որ համապատասխանում է Ասորեստանեան Ուրարտու (դրանից էլ՝ Արարատ) անունն:

Այսպիսով, «Բարելոնացիք շարունակել են պահել երկրի հին անունը նաեւ այն բանից յետոյ, երբ վաղուց արդէն փոխուել էին նրա տէրերը, մի խոշոր չափով նաեւ՝ բնակիչները»:

Ինչ վերաբերում է Ուրարտուի բնակիչների ցեղական անունն, նրանք իրենք գիրենք սեփական արձանագրութեանց մէջ խալդեր, խալդիմի (խալդիս աստուծու մարդիկ) են անուանում: «Նրանց լեզուն ոչ հայերէն է, ոչ էլ առհասարակ Հնդեւրոպական, այլ հաւանորէն «կովկասերէն»:

Եւ սակայն մինչեւ օրս տակաւին չէ ապացուցուած նրա մօտաւոր կապը՝ կովկասեան լեզուների մի յատուկ խմբակի հետ...

Ուրարտուի պետութիւնը զարգացման բարձր աստիճանի էր հասցրել մանաւանդ Վեստապոտրոսիքիւնը եւ երկրի վարուեստական ոռոգմանը ծառայող ջրանցքների կառուցումը: Հռչակուած են յատկապէս՝ ժայռերի մէջ նրանց փորած բնակարանները, քարեայ սանդուխները, բերդերը եւ ջրանցքները, որ հայերը դեռ յետոյ էլ, մասամբ մինչեւ վերջերս, օգտագործել եւ բանուկ վիճակի մէջ են պահել:

Սարբերի պետութեան անկման պարագաները թէեւ հանգամանորէն ծանօթ չեն մեզ, բայց հաւանորէն Ռուզաս Գ.ը իշխել է մինչեւ Հալիւսի ճակատամարտը (585 թ. Ք. Ա.), որն եւ Փոքր Ասիայի գերիշխանութիւնը Մետացիների ձեռքը տուաւ:

Յամենայն դէպս անկասկածելի է, որ հայերը օգտագործել են խալդերի այդ աղէտը եւ անցել Եփրատը, որպէս մետացիների դաշնակիցներ:

Հարկաւ, լուրջ կերպով չէ կարող խօսք լինել այն մասին, թէ հայերը նուաճել են Ուրարտուի պետութիւնը: Ոչ թէ միանգամից, այլ քայլ առ քայլ է տեղի ունեցել զբաւումը այդ երկրի, որն եւ այդ ժամանակից սկսած մինչեւ օրս նրանց — հայերի — անունն է կրում իր վրայ: Եւ ապա, հայերը միայն Երզրնկայի եւ Էրզրոմի վրայով չեն առջ շարժուել դէպի Երասխի հովիտը, ինչպէս որ առջին հայեացքից ենթադրել կարելի էր:

Ալեքսանդր Մեծի երկու պատմագիրներ, որոնք Թեսալիայից էին եւ կենդանի հետաքրքրութիւն էին ցոյց տալիս Հայաստանի նախապատմութեան հանդէպ, այն կարծիքն են յայտնում, թէ հայերը Եփրատն անցնելով եւ դէպի արեւելք դիմելով՝ առջ են շարժուել երկու ուղղութեամբ: Մէկ խումբը շարժուել է Եփրատի հոսանքն ի վեր եւ զբաւել Եկեղեցաց գաւառը Երէզ (Երզնկա) գլխաւոր քաղաքով, իսկ միւս խումբը Դիլրիկից եւ Արաբկիրից դուրս գալով ու Եփրատն անցնելով առջ է շարժուել Արածանիի (Մուրատ-Մու) հովտով եւ Սարբերդի վրայով:

Սակայն հայերը հոծ բաղմութիւններով նստած չմնացին հարբերդի դաշտում, այլ Արածանիի հոսանքով դէպի վեր շարժուեցին եւ հաստատուեցին յատկապէս Տարօնի (Մուշ) դաշտում:

Մի երրորդ ճիւղ էլ բնակութիւն հաստատեց Մայաֆարդինից հիւսիս գտնուող ներկայիս Լիճէ կոչուած վայրի մօտ գտնուող Շուպրիա բնագաւառում, ուսկից եւ ասպատակեցին Կալախ եւ Աղիարիք: Աւելի ուշ նրանք մինչեւ իսկ Ասորեստանցիներից խլեցին Ամորիքը:

Է. դարում Ք. Յ. Հայաստանի հարաւային բնագաւառները տարածւում էին անգամ մին-